

Wozjewjenja na 33. přezlětnej njedźeli (19.11.2023)

1. Swójba z wosady da so we wosobinskej naležnosći Njeswačanskej maćeri Božej a zbóžnemu kapłanej Alojsej lubić a prosy wo pomoc a wěriwych wo zastupny paćer. (Modlitwa čo.: 3/16, str.: 41; „Wótče naš“ a „Strowa sy, Marija“)
2. Džensa je w 14.00 hodź. njedźelski nyšpor. Wšitcy su wutrobnje přeprošeni.
3. Zběrka džensa je postajena za džěło Bonifacijoweho skutka - pomoc w diasporje. W tutej naležnosći su zady na blidku wobalki wupožene.
4. Na swjedženju swj. Měrcina je so za pomocne akcije TCM darowało. Wutrobne zapłać Bóh tón Knjez wšitkim darićelam.
5. Boža mša, kotraž so w interneće na You Tube přenjese, je džensa w 9.00 hodź. z Chrósćic. Link za sčehowanje Božej mše je:
<https://youtube.com/live/nlthBB-4hcU?feature=share>
6. Zetkanje putnikow do Roma budže wutoru, 21.11. w 19.00 hodź. na farje.
7. Srjedu, 22.11. je we 07.30 hodź. Boža mša za wšitkich senijorow, młódšich a staršich. Přizamknje so snědań na farje. Po snědani rozprawja knjez Bosćij Handrik wo putnikowanju wosady do Roma.
8. Přenjowoprawjenska wučba je prawidłownje.
9. Džěćace kemše su zaso prawidłownje štwórtk w 14.00 hodź.
10. Na zhromadny nyšpor pod temu “Chrystus Kral – dobyćer nad smjerću“ z kapłanom Markusom Winzerom z Kulowa pochadzacym a nětko w Zhorjelcu skutkowacym je dekanatna młodžina tež lětsa na swjedženju Chrysta Krala, njedźelu, 26. nowembra, w 14.00 hodź. do Chrósćic přeprošena. Přizamknje so zhromadna swačina na farje.
11. Našich seniorow a wšitkich, kotřiž njeplaća cyrkwinski dawk, prosymy tež lětsa zaso wo jich dobrowólny cyrkwinski pjenjez, kotryž wostanje we wosadze a je wažna pomoc za džěło wosady. Přepokazajće jón prošu abo zaplaćće jón přiležnje pola knjeni Brankačcyneje.
12. Prosymy wšitkich, kotřiž maja rowy na našimaj kěrchowomaj w Radworju a Zdžeri, zo bychu swój lětuši přinošk za wudźerženje kěrchowa přepokazali.
13. Wotpowědne konta našeje wosady su na internetnej stronje wozjewjene.
14. Štóž je zwólniwy lětsa Boži džěscowy štom do cyrkwyje darić, njech so prošu ze zwónkom dorěči.
15. Wottorhanske protyki z nakładnistwa swj. Bena su dóšli a móža so w kapali za 5,00 € wotewzać.
16. Adwentnička serbskich młodostnych budže njedźelu, 03. decembra, w Radworju. Započatk je w 14.00 hodź. z nyšporom w cyrkwi, kotryž wuhotuje chór 1. serbskeje kulturneje brigady.